



11
1774
1



藏書紀
實譜

弟子江標謹校

藏書紀
事蹟

弟子江標謹校刻



丁酉十一月刊成
于長沙學使署

蘇州振新書社
觀西督造書籍



藏書紀事詩六卷長洲葉菊裳師撰爲藏書家一大掌故標
於壬辰年在京師奉歸錄一副冊欲付手民而未能甲午奉
使湘中亟以寫冊乞師自定之日月易遷又越兩紀至今年
春始以稿本寄湘卽付鋏者十月寫刻畢湘潭門人劉茂才
肇隴始終任校勘之役書中多誤例因上板時原稿割裂顛
倒錯亂寫手又不工致刻成始知之已無及矣昔潘文勤師
刻滂意齋叢書速成而多誤字或有笑之師曰吾不過以刻
代鈔耳標更自解之曰能讀此書者卽能自校者也則又何
貴乎一曠一步之不失哉光緒二十三年丁酉十月受業江
標謹記於長沙使院之萱圃



長一尺二寸聘禮疏引鄭君論語序易詩書禮樂春秋皆二尺四寸孝經謙半之論語八寸策者三分居一又謙焉此古簡策之制隋書經籍志宋武入關收其圖籍府藏所有纔四千卷赤軸青紙文字古拙煬帝卽位祕閣之書分爲三品上品紅琉璃軸中品紺琉璃下品漆軸舊唐書經籍志凡四部書皆以益州麻紙寫其集賢院御書經庫皆鈿白牙軸黃縹帶紅牙籤史庫鈿青牙軸縹帶綠牙籤子庫雕紫檀軸紫帶碧牙籤集庫綠牙軸朱帶白牙籤此古卷軸之制夫筆行而書刀廢紙行而縑帛廢日趨便易造述愈滋故向歆著錄財萬三千至唐臣修隋志則幾六七倍焉開元時兩京書庫所儲則幾十倍之焉唐以前書皆寫本放失最易故世傳唐

籍有釋氏寫經絕無儒家言近獨山莫氏得說文木部又日本澀江全善等訪古志中所載卷子本甚夥皆未可盡信也書有櫛印灌輿於鄭覃之壁經迨唐長興三年國子監刻九經漢乾祐二年刻儀禮周禮公羊穀梁周顯德二年刻經典釋文而其風始鬯夫以綫裝代卷軸便已以鏤板代寫官則更便焉士大夫佔誦家置一編省傳錄之煩流播寢廣五季而後亡書較少縉雕本是賴獨是書經複刻譌踳滋多帝虎陶陰所在皆是宋初胄監刻經史命儒臣校正號稱精密然宋景文校監本漢書中脫兩行岳倦翁稱監本經史多仍五季之舊與俗本無大相遠則亦未爲善本也宋時官私刊刻不勝僂指監本外大端約略可數一曰家塾本相臺岳氏

刻川姚氏瞿源蔡氏之類是也一日書棚本臨安府棚大街
睦親坊南道陳道人書籍鋪太廟前尹家書籍鋪之類是也
一日州郡官刻本宋諸道監帥司及州軍邊縣戎帥皆有公
使庫詳朝野雜記朱子集按唐仲友狀云據蔣輝供斷配台
州牢城差每日開書籍供養去年三月唐仲友叫上輝就公
使庫開雕湯子荀子印板又紹興本太平聖惠方卷末云福
寔路轉運司今將國子監太平聖惠方一部修改開板於本
司公使庫印行蓋宋時州郡準用公使庫錢因就庫開局刻
書故今時有台州泉州撫州公使庫本此外官本或稱漕臺
本稱郡齋郡庠凡不言公使庫者當是指資自刻耳南渡以
後所至郡府多刊文籍故吳明可帥會稽獨不傳書王明清

爲異也葉石林謂福建本徧天下攷今時所傳閩本以建
寧余氏爲最著有宋有余仁仲余恭禮余唐卿余彥國元有
志安勤有堂及雙桂書堂然元之勤有堂刻書雖多不逮
一仲萬卷堂遠甚它若建安虞氏及黃善夫阮仲猷之屬亦
皆精好蓋宋刻惟麻沙鎮本最僿劣耳元又有高氏日新堂
鄭氏宗文書堂劉氏南瀾書堂名雖家刻實則坊場此閩本
之大槩也元時官刻內則興文署外則諸路儒學及書院咸
稱精善余所見元刻之佳者以茅山志及張伯雨集爲最綜
而論之北宋字體方勁純是率更筆法紹興以後疏放之中
仍含適古元則圭稜盡去一覽無餘矣宋刊宋印大都用公
私簿帳以余所見若爾雅單疏宋文鑑洪氏集驗方北山小

集皆是也宋元舊槧明代傳世尙多故鈴山堂箸錄以數千部計至明季變亂而古刻始漸就散逸以蒙叟遵王兩世之勤搜宋刻不及百種述古延令書目均別出宋板而汲古藏書至以宋本二字鈴卷端其珍貴可知矣三百年來凡大江南北以藏書名者亡慮數十家而既精且富必以黃氏士禮居爲巨擘蕘翁之書有竹汀澗簞爲之攷訂香嚴壽皆仲魚諸君與之通段故自櫺刻以臬校鈔靡不精審洪北江論藏書家次第斥蕘翁爲賞鑒家列傳是瓶花之次非篤論也蕘翁晚年其書歸汪氏藝芸書舍繼又歸昭文瞿氏最後歸聊城楊氏今士禮精本大半在瞿楊兩家其餘各家所得不過一甲而已光緒初元余與管子操致葉子緣袞爲瞿氏

編校書錄鐵琴銅劍樓之藏無不寓目旣而葉子館潘氏滂喜齋凡文勤公所藏又徧閱之葉子自恨家貧力薄不能多得異書又歎自來藏書家節食縮衣矧集善本曾不再傳遺書星散有名姓翳如之感因罔羅前聞擴摭逸事竭八九年之力由宋元迄今得詩二百餘首貴如明代衡徽諸藩微如安麓村暨錢聽默之屬無不葡載采集可謂富矣蕘翁所見古書錄今旣無傳澗翁擬摭藏書家精華匯箸一錄亦未克就乃君書竟及身寫定夫非藝林絕業乎世有竹垞其人必當爲珍裘之賺矣君箸書宗旨意在搜揚潛逸故於攷槃幽懿鄉曲遺聞纂述尤具吾吳先哲如柳安愚吳方山陸聽雲王蓮涇之屬皆生不越窰巷名不紐通人君一一攷其生平

采摭甚葡又如糺雁里草堂之誤補璜川吳氏之世繫訂隊
蒐殘裨益志乘非細昔顧俠君選元詩夢古衣冠人來拜君
闡章之功什百秀野其亦有冥通之異夫光緒辛卯孟陬同
邑王頌蔚撰

書紀事詩目錄

卷一

毋昭齋守素

羅紹威 王師範

孫光憲孟文 丁顛 孫長孺

徐錯楚金 王錯鱸祥

江正元叔

劉式叔度 張邦基 元申屠致遠 國朝朱繼暉

朱遵度 朱昂舉之

昌王宗晟 榮王宗綽

南都戚氏 九江陳氏

畢文簡士安 畢良史少董

姚鉉寶臣

趙文定安仁

趙元考彥若

晏元獻殊

王洙原叔 子欽臣仲至

宋宣獻綬 子敏求次道

尚啟明昭回 高順子奇 錢著明

黃晞景微

宮文心弼

淑獻臣

田偉 子鏞 亳州祁氏 饒州吳氏

司馬文正光 信陽王氏 遺經堂主人

劉恕道原 子義仲壯輿

蘇勰公頌

呂正愍大防 張玠

沈思持正

李常公擇 彭惟孝孝求

錢勰穆父 弟蘇岳仲

張壘子厚 宋疇

權為王氏 胡定之

沈立

賀鑄方回 曾收彥和

趙令時德麟

井度憲孟 晁公武子止 鮑慎由欽止 金字文虛

中叔通 宇文時中

濡須秦氏

魏衍昌世

蔡致君

葉夢得少蘊

黃伯思長睿

董道彥遠

杜鼎昇大峯 程賁季長

李莊簡光

趙明誠德父 李清照易安

王萃樂道 子銍性之 孫廉清仲信 明清仲言

劉儀鳳韶美

鄭樵漁仲

陸游務觀 子子通

尤文簡表

樓官獻鑰 潘景憲叔度

張袞伯壽 張用道夢卿

劉之稱

朱軒

石邦哲照明

周輝昭禮

聞人茂德滋

吳與可權 吳祕 莆田李氏 劉氏

岳珂肅之

鄭寅子敬

衛湜正叔 李衡

蔡瑞 陳伯明

陳振孫伯玉 程棨

史守之子仁

許棐忱父

賈似道 廖瑩中 明嚴嵩

俞琰玉吾 孫貞木立庵 杜瓊用嘉

周密公謹

徐南書鹿卿 陳文定宗禮

方漸

郭延緝 干奴

卷二

東丹王倍

元好問裕之

趙文敏孟頫 明李維柱本石

莊肅恭叔

袁易通甫

袁文清桷

吳郡陸君 陸友友仁

景春沈君

張雯子昭

蘇天爵伯修

孔文昇退之 孔齊行素

倪瓚元鎮

孫道明明叔 夏庭芝伯和

陳季模

虞堪勝伯 虞子賢

徐達左良夫

周定王櫛 朱睦㮮灌甫

甯獻王權 朱謀埠鬱儀

晉莊王鍾鉉 靖王奇原 端王知焯 簡王新埏

秦簡王誠泳 定王惟焯

光澤王寵瀆 衡王祐樞 高唐王厚煥 廬江王見

浦 徽王

宋文憲濂

浦江鄭氏

蘇叔敬

周文襄忱 國朝丁日昌禹生

楊文貞士奇

袁忠徹靜思

葉文莊盛 元孫恭煥伯寅 七世孫國華白泉

郁文博文博 老寇四

沈周啓南 子雲鴻維時

史鑑明古 裔孫兆斗辰伯 李鑑明古

楊儀夢羽

陸容文量 王時敏遜之

吳文定寬 伊侃

朱存理性父 朱堯民凱

邢量用理 邢參麗文

王文恪鏊 子延喆子貞 徐文敏縉

徐源仲山 弟澄季止 陸完全卿

楊循吉君謙 劉昌欽謨

都穆玄敬

邵文莊寶

王獻臣敬止

唐寅子畏

文璧徵明 子彭壽承 嘉休承 孫元發子悱 曾

孫文肅震孟 從鼎定之 從簡彥可

錢同愛孔周

邊貢庭實

顧璘華玉 弟瓌英玉

朱承爵子儋

孫道靜景瞻 孫楨仲牆 孫育思和 賀煨 賀裳

黃公

李文敏廷相

安國民泰

陸文裕深 黃標良玉 施大經天卿 宋懋澄幼清

張寰允清 陳察原習 顧琨孝柔

顧仁效 顧元慶大有

閻起山秀卿

王寵履吉 彭年孔嘉 周天球公瑕

秦沐思宋 子柄汝操 柱汝立

柳僉大中 俞弁子容

姚咨舜咨 唐詩以言

顧起經玄緯 顧宸修遠

黃魯曾德之 弟省曾勉之 史臣紀

袁翼飛卿

朱良育叔英

袁襲尙之

徐霖子仁 黃琳美之 羅鳳印岡

盛時泰仲交

豐坊存禮

李開先伯華
顧德育克承

卷三

范欽堯卿 從子大澈子宣

歸有光熙甫 妻王氏

唐順之應德 唐宇昭 唐仁良士

茅坤順甫 孫元儀止生

錢穀叔寶 子允治功甫

陸師道子傳 陳道復復甫

吳岫方山

何良俊元朗

沈與文辨之

吳元恭 吳惟明康虞

劉鳳子威

朱大韶象立 孫克弘允執

顧從禮汝由 弟從德汝修 從義汝和

孫七政齊之 孫朝肅功父 朝讓光父 曾孫□孝

若

孫樓子虛

孫允伽伏生

孫江岷自

項篤壽子長

項元沐子京

卯集子成

王世貞元美 世懋敬美

周良金

晁璫君石 子東吳叔權

高濂深父

張應文茂實 子丑青父 張秋塘

華夏中父

沈節甫以安 沈啟原

姚翼翔卿 國朝姚覲元彥侍 子慰祖公蓼

潘允端仲履

孟守約

莫雲卿廷韓

李四麟季公 秦景陽

何錞子端 孫述稷公藝 述臯公邁 雲士龍

何鈞子宣 子允泓季穆

何大成君立

趙文毅用賢 子琦美元度

胡應麟元瑞

黃居中明立 子虞稷俞郁

祝以幽耳劉 李可教受甫

焦文憲竝

陳第季立 高儒

李如一貫之 姪忠毅應昇

趙宦光凡夫 子均靈均

張民表林宗

耿震國 裔孫應蛟

謝肇澍在杭

曹學佺能始 馬恭敏森 陳暹

徐燭惟起

姚士彝叔祥 呂兆禧錫侯

胡震亨孝轅

陳良卿 陸元厚

祁承燦爾光 子忠敏彪佳

潘曾紘昭度

沈嗣選仁舉

王咸與公

鈕石溪

黃翼聖子羽

毛晉子晉 子褒華伯 表奏叔 展斧季 孫綏萬

嘉年

周榮起研農

陸貽典救先

金俊明孝章 子侃亦陶

王迺昭

馮舒已蒼 弟班定遠 知十彥淵 知十子武寶伯

許元溥孟宏 許心辰丹臣

包濯芳子柳 高承埏寓公

陳繼儒仲醇

顧鐸開林 顧道隆

陳煌圖鴻文 陳帆際遠

蔣之翹楚樨 蔣石林

陸寶敬身 陸宇燦春明

譚應明公亮 應徵公度

王別駕

謝兆申耳伯

卷四

怡親王 果恭親王 成親王

錢謙益受之

錢謙貞履之 子孫保求赤 孫艾仲頤 族孫興祖

孝修

錢裔肅嗣美 子曾遵王 孫沅楚殷

孫承澤耳伯 梁清標玉立

陳士業宏緒

周亮工元亮 子在浚雪客

曹溶潔躬

黃宗義太冲

錢陸燦爾茂

蔣琦絢臣 蔣玠綱臣

吳之振孟舉

呂留良莊生 子葆中无黨

張雋文通

馮文昌研祥 江立玉屏 韓泰華小亭

葉樹廉石君

葉奕林宗 子裕祖仁

張拱端孟恭

朱之赤臥庵

顧苓云美

顧湄伊人

季振宜詵兮

朱彝尊錫鬯 孫稻孫稼翁 李延是辰山

徐乾學健庵 弟秉義果亭 元文立齋 子綱章仲

王文簡士禎

宋犖牧仲 子筠蘭揮

惠周惕元龍 子士奇仲孺 孫棟定宇

陳自舜小同

馬思贊仲安

汪森晉賢 弟文柏季青

涉園張氏 張培元江亭

杭州張氏

陳昂書厓

胡介祉循齋

孫潛畝園

孫淇寶洲

曹炎彬侯

查慎行悔餘 孫岐昌藥師

納蘭性德容若 揆敘愷功 穴研齋

安岐儀周

曹寅子清

龔翔麟天石

林佶吉人

蕭夢松靜君

李馥鹿山 鄭杰昌英 劉筠川

何焯肥瞻 弟煌心友

陸謬其清

翁澍季霖 子校秀升 栻猶張

王聞遠聲宏

鄭性義門

顧嗣立俠君

黃叔琳崑圃 子登賢雲門 廌守謙子大

李紱巨來

蔣杲子遵 弟重光子宣

張位良思 子德榮充之

宋定國賓王 錢枚方蔚 顧夏珍

浦見龍起潛 許仲堪眉岑

吳允嘉志上

趙昱功干 弟信辰垣 子一清誠夫

吳焯尺晷 子城敦復 玉墀蘭陵

王德溥容大

馬曰琯秋玉 弟曰璐佩兮

吳銓容齋 子周儀拙庵 成佐懶庵 孫泰來竹嶼

元潤蘭汀 英簡舟 曾孫志忠有堂

顧若霖雨時 孫珊聽玉 顧至於山

丁敬敬身

卷五

杭世駿大宗 汪一之

金檀星輅 孫可採心山

沈廷芳晚叔

全祖望紹衣

富察昌齡數槎

陸烜子章

董燠謂瑄 董蠡舟鑄范

王藻載揚 楊復吉列歐

席鑑玉照

孫從添慶增

顧士榮文甯

魚元傳虞巖

汪啟淑秀峰

陸時化潤之 金元功

王孝詠慧音

蔣宗海春農

盧文昭紹弓

程晉芳魚門

汪憲干陂 子汝璫坤伯 瑜季懷 璐仲連 孫誠

孔皆 曾孫遠孫久也

紀文達响

王昶德甫 王鳴韶鶴溪

朱筠竹君 子錫庚少河

翁方綱正三

周春菴兮

李文藻素伯

周永年書昌

玉棟筠圃

聞珽種懷

周厚埶仲育 沈紹賓廷作

孫宗濂栗忱 子仰曾 蔣升瀛惠堂

鮑廷博以文

姚瑚古香 姚虎臣

郁禮佩先

吳騫槎客 子壽暘虞臣 孫之高鱸鄉 姪昂駒醒

園 春煦子撰

朱邦衡秋厓 姪奐文游 余蕭客仲林

周錫瓚仲漣

顧階升步巖 子應昌銅井 顧潘方水 潘子樾肇

聲

丁杰升衢 錢馥廣伯

張燕昌文魚 族廷濟叔未

孔繼涵補孟

馮應榴星實 弟集梧軒圃

吳胡鳳伊仲

汪中容甫 子喜荀

金德輿鄂巖

法式善開文

孫星衍伯淵

張敦仁古餘 張徵齋

陳鱣仲魚

翁廣平海琛

嚴可均鐵橋

黃丕烈紹甫

阮文達元

袁廷檣又愷

貝墉簡香

秦恩復敦夫

江藩子屏

張燮子和

子蓉鏡芙川

姚畹真

何元錫敬祉

顧之達抱冲

顧廣圻澗蘋

程世銓叔平

張思孝白華

卷六

許宗彥周生

嚴元照久能

黃錫蕃椒升

韓配基

戴光曾松門

戴大章堯聲

宋大樽左彝

張祥雲鞠園

王宗炎穀勝

王紹蘭南陔

陳春東爲

汪繼培因

可

陸芝榮香圃

杜煦尺齋

煦弟春生禾子

倪模迂村

張紹仁學安

張海鵬若雲

仙

姪金吾月霄

大鑑友柏

邵恩多服

黃廷鑑琴六

陳揆子準

馬瀛二桂

馬玉堂笏齋

童銓佛庵

沈慈十峰

弟恕綺雲

李筠嘉修林

曾釗勉士

吳蘭修石華

陳墀仲遵

葛香士

劉桐舜輝

程廷獻書城

計光炳曦伯

王雨樓

劉喜海燕庭

楊端勤以增

子紹和彥合

陳徵芝蘭鄰

錢熙輔鼎卿

弟熙祚錫之

熙泰鱸香

熙載嘯樓

熙經心傳

汪士鐘閻源

瞿紹基蔭棠 子鏞子雍 孫秉淵敬之 秉潛性之
季錫疇菘耘

錢天樹仲嘉

胡惠墉遂江

陸筠瓠尊 章金益齋

曹言純種水 管庭芬芷湘

錢泰吉輔宜

蔣光煦生沐

胡珽心耘 楊文蓀秀實

勞權平甫 弟格季言

劉位坦寬夫 子銓福子重

朱緒曾述之 甘福德基

邵懿辰位西

葉名澧潤臣

路慎莊子端

郁松年萬枝 顧秉源潤齋

顧沅湘舟

莫友芝子儂

劉康春禧 袁芳瑛漱六

劉履芬彥清

潘文勤祖蔭 黃彭年子壽 彭年子國瑾再同

楊繼振幼雲 崇恩語鈴

朱徵子清

陸心源剛父

蔣鳳藻香生

泰山趙氏 宛陵太守 沈率祖

釋文瑩道溫

道士陳景元 無為道士

換書士人

程洪溥木庵

此當列前蔣光煦條下誤列此

沈峙公

陳坤維

畢昇 華燧文輝 華理 華堅

建安余氏

陳起宗之 陳思 陳世隆彥高

尹家書籍鋪 平水書籍王文郁

童珮子鳴

老韋

陶正祥庭學 子珠琳蘊輝

錢聽默

胡賢 虞山孫二 錢半巖

王廷瑀越石 黃正賓黃石

補遺

蜀帥紐鄰之孫

雕板印成二書復雕九經諸史兩蜀文字由此大興洎蜀歸宋豪族以財賄禍其家者什八九會藝祖好書命使盡取蜀文籍諸印本歸闕忽見卷尾有母氏姓名以問歐陽炯炯曰此母氏家錢自造藝祖甚悅卽命以板還母氏是時其書徧於海內初在蜀雕印之日眾嗤笑後家累千金子孫祿食嗤笑者往往從而假貸焉左拾遺孫逢吉詳言其事如此 昌熾案揮塵餘話亦載此事云唐明宗平蜀命太學博士李鏐書五經倣其製作刊板於國子監監中印書之始今則盛行於天下蜀中爲最明清家有鏐書印本後題長興二年又按王氏以母昭裔爲母邱儉則大誤母邱三國時人

短衣長劔曼胡纓帳外材官號捉生羨殺青州楊從事但司藏室不論兵

羅紹威 王師範

五代史羅紹威好學工書頗知屬文聚數萬卷館以延四方之士 又楊彥詢少事青州王師範師範好學聚書萬卷使彥詢掌之

突兀書樓世姓孫悍然竟奪謝公墩納楹誰其陵川富大宅居然駟馬門

孫光憲孟文 丁顓 孫長孺

宋史荆南高氏世家孫光憲字孟文陵川貴平人號葆光子博通經史尤勤學聚書數千卷或自鈔寫孜孜讎校老而不廢 涑水紀聞丁度字公雅開封祥符人祖顓盡其家資聚書至八千卷爲大室以貯之曰吾聚書多雖不能

讀必有好學者爲吾子孫矣父逢吉以醫事眞宗於藩邸
官至將作監承度以觀文殿學士薨贈吏部尚書諡文簡
郡齋讀書志孫文懿集三十卷皇朝孫抃字夢得眉山
人六世祖長孺喜藏書貯以樓蜀人號書樓孫家抃天下
中進士諡文懿

澄心書目昇元帖江左文房建業開何似錦城胡罷日白藤
擔子相公來

徐錯楚金

王錯鱸祥

陸游南唐書徐錯字楚金會稽人與兄鉉號二徐酷嗜讀
書隆寒烈暑未嘗少輟後主嘗得周載齊職儀江東初無
此書人無知者以訪錯一一條答無所遺忘其博記如此
既久處身賢朱黃不去手少精小學故所讎書尤審江南

藏書之盛爲天下冠錯力居多 焦氏筆乘蜀相王錯名
同楚金字鱸祥藏書數千卷一一皆親札并寫藏經每趨
朝於白藤擔子內寫書書法精謹二人風尙相似如此
無事爲福齋隨筆潼川城外有琴泉寺卽杜詩之慧義寺
也昔有塔於乾隆年間爲雷震圯內貯法華經全部皆鱸
祥所書筆法娟秀眞墨寶也 吳省欽白華詩彙蜀王錯
書妙法蓮華經第一卷殘葉三臺鄭尹出自琴泉寺圯塔
下同魚門璞函作墨華香簇蓮花青僞朝平章工寫經教
圓義正樹功德梓州宰堵牢藏扇丙寅未月倒霹靂梵夾
灰燼嘯利零令君好事拾殘葉紙色黯淡光晶熒 又云
想當蚤朝暮歸第白藤笈子平頭拾霞光百番出天府眉

硯安傍朱窗
櫺毒惱已蠲
苾芻佩妙明
頓見琉璃屏
伏梁闔檻度
藏永謂仗白
業貽懽甯

笏頭方冊油
拳紙一篋書
還當一炊亦
似江南新下
日今云
山破不勝悲
江正元叔

揮塵後錄樊若水夜釣采石世多知之宋咸笑談錄云李煜有國日樊若水與江氏子共謀江年少而黠時李主盟佛法削髮投法眼禪師爲弟子隨入禁苑因遂得幸法眼示寂代其侍建康清涼寺號曰小長老眷渥無間凡國中虛實盡得之先令若水走闕下獻下江南之策江爲內應其後李主旣俘各命以官江後累典名州家於安陸子孫亦無聞鄭毅夫爲江氏書日記載文集中云舊藏江

氏書數百卷缺落不甚完予凡三歸安陸大爲搜訪殘帙遺編往往得之閭巷間無遺矣僅獲五百十卷通舊燕凡千一百卷江氏遺書具此矣江氏名正字元叔江南人嘗爲越州刺史越有錢氏時書正借本謄寫遂并其本有之及破江南又得其逸書兼吳越所得殆數萬卷老爲安陸刺史遂家焉盡輦其書築室貯之正旣歿子孫不能守悉散落於民間火燔水溺鼠蟲齧棄并奴僕盜去市人裂之以藉物有張氏者所購最多貧乃用以爲爨凡一篋書以爲一炊飯江氏書至此窮矣然余家之所有幸而僅存者蓋自吾祖田曹始蓄之至于三世矣於余則固能保有之於其後則非余所知也故記盛衰之迹俾子孫知其所自

則庶乎或有能保之者矣書多用油拳紙方冊如笏頭青
縑爲標字體工拙不一史記晉書或爲行書筆墨尤勁其
末用越州觀察使印亦有江氏所題余在杭州命善書者
補其缺未具也明清案馬令南唐書及龍衮江南野史
北朝聞李後主崇奉釋氏陰選少年有經業口辯者往
之謂之一佛出世號爲小長老朝夕與論循環果報後
因是襟懷縱脫兵機守禦之謀慌然而弛及王師圍城
主乃鳩殺之觀宋鄭所記則知李氏國破之際所鳩者非
眞又以計免而歸本朝遂饗岳牧之任也

墨莊兩字濫觴誰最錄遺文一攷之公是公非家集外鄂州

詩與考亭詩

劉式叔度
國朝朱繼擘

張邦基

元申屠致遠

阮文達揚州文樓巷墨莊考揚州文樓巷墨莊者宋劉敦
武賢滌三世之所居也劉式者李唐新喻人生五子其第
四子立德立德生敦敦生武賢武賢生滌滌生靖之清之
式字叔度開寶中隨李氏入宋官工部員外郎判三司磨
勘司贈太保禮部尚書妻陳夫人既寡以遺書教諸子曰
先大夫秉行清潔有書數千卷以遺後是墨莊也安事隴
畝諸子怠於學者則爲之不食由是諸子皆以學爲郎官
孫廿五人世稱墨莊夫人此宋初墨莊之在江西者也立
德官祕書監贈太尉敦官太中大夫歷守淮揚池睦温始
遷居於揚州文樓巷武賢官承議郎知盱眙縣生滌於全
椒滌字全因兩監潭州南嶽廟以通直郎致仕武賢歿妻

李氏當建炎時識揚州將亂與滁避地江西故兵戈不能
害之滁妻趙氏賢而文夫婦手寫經以課子靖之子和官
贛州教授清之子澄判鄂州與朱子羅願相友善滁請徐
兢吳說各以所善篆楷書墨莊字此墨莊之在北宋及南
宋初而羅願鄂州集所謂太中以來居揚州文樓巷者也
外此則集賢公是先生敝舍人公非先生攸皆立德仲凡
之子居撫之金溪其八世孫與吳草廬虞道園相友善歙
爲武賢第四子其第三子沂亦奉母命由揚州避地豫章
之新吳沂生蕭羅願代陳皋爲蕭傳岳鄂王紹興六年曾
爲新喻劉氏寫墨莊二字此墨莊之在南宋江西者也海
陵胡安定先生載陳墨莊夫人事入賢惠錄此在揚州之

也朱子墨莊五詠一曰墨莊二曰冽軒三曰靜春堂四
曰玩易齋五曰君子亭明楊廉和朱子五詠詩序曰劉氏
靜春與集賢舍人各自爲派蓋靜春堂爲劉敦專派敦與
似攸爲從兄弟故其孫曾清之等皆以靜春自稱金溪公
是先生等派不襲靜春之名然則靜春等堂軒五名亦皆
宜在揚州矣元居揚州文樓巷文選樓側時方纂揚州圖
經檢舊志但知有文樓巷不知巷有墨莊事乃攷宋史
朱子羅鄂州劉公是吳草廬虞道園等集及江西地志朱
高安墨莊石刻跋而述之如此 張邦基墨莊漫錄序僕
性喜藏書隨所寓榜曰墨莊 元史申屠致遠字大用其
先汴人金末從其父義徙東平之壽張與李謙孟祺等齊

名爲杭州總管府推官西僧嘉木楊喇勒智作浮圖於宋
故宫欲取高宗所書九經石刻以築基致遠力拒之乃止
大德二年僉淮西江北道肅政廉訪使事行部至和州得
疾卒致遠清修苦節聚書萬卷名曰墨莊 劉將孫申言
致遠博古堂記東平申屠公往以御史出使江西一日而
斯文生氣吾先君須溪先生尤爲吾道吾世有斯人喜山
窗袁君自金陵歸言一家父子講貫琢磨古書積疊它無
嗜好名堂博古客來終日煮茗談坐前橋後梓交發輝映
蓋欣然未見如既見也公名致遠字大用以忍名齋人皆
稱忍齋先生其子名伯騏字子夔 李果墨莊記朱君愚
溪比部員外莘園公之六子博雅好古居郡城之南新治

小軒於其堂之後藏書頗多遂取宋人劉式事以墨莊名
之而揭岳忠武王書墨莊二字重摹勒石 又朱刑部傳
君諱成家字宣之又字莘園其先新安人祖台日家於吳
父啟亮字立庵君卒年五十七子八人緒繼昭繼暉繼晟
勳繼暉繼暄繼暖昌熾案愚溪爲莘園第六子則是名繼
暉矣

著書覆瓿二千卷藏書充箱一萬卷想見風宵霜曉時鐙地
篝香未云倦 朱遵度 朱昂舉之

焦氏筆乘金陵舊事朱遵度本青州書生好藏書隱居不
仕保大中卜築金陵著鴻漸學記一千卷羣書麗藻一千
卷漆經數卷皆行於世 宋史文苑傳朱昂字舉之其先

京兆人父徙衡山人稱小萬卷所得俸賜以三之一購奇書以諷誦爲樂門人私謚正裕先生 厲鶚借書詩鑑風宵親勘處篝香霜曉手抄時里中今得小萬卷貧甚或慙無一紙自注東都事畧朱昂篤學人目爲小萬卷

御府圖書燬玉宸清明無復上河人豈知潛邸龍飛後好學依然數懿親 昌王宗晟 榮王宗緯

宋史宗室傳濮安懿王二十八子宗晟紹聖元年六月以武安軍節度使判大宗正事加檢校司徒嗣濮王明年三月薨年六十五贈太師昌王謚端孝宗晟好古學藏書數萬卷仁宗嘉之益以國子監書 又宗緯官至河陽三城節度使檢校司徒紹聖三年二月薨年六十二贈太師追

封榮王謚孝靖 高似孫史略濮安懿王之子榮王宗緯聚書七萬卷宣和中其子曾進書目自龍圖閣太清樓玉宸殿宣和殿以及崇文三館所儲盡歸於燕 少室山房筆叢宗緯始與英宗借學於邸得異書必轉相附其子淮安郡王仲縻進目錄三卷忠宣公在燕得其中帙云除監本外寫本印本書籍計二萬二千八百三十六卷

匹夫立號歐適成學官輟講謝諸生一元貞下循環起廣廈千閒絃誦聲 南都戚氏 九江陳氏

揮塵錄承平時士大夫家如南都戚氏歷陽沈氏廬山李氏九江陳氏鄱陽吳氏俱有藏書之名今皆散佚 齊東野語世間萬物未有聚而不散者而書爲甚宋室承平時

如南都戚氏歷楊沈氏廬山李氏九江陳氏鄱陽吳氏三
文康李文正宋宣獻晁以道劉壯輿皆號藏書之富靡不
厄於兵火 邵埽編五代之亂天下無復學校富人曹誠
首建書院邀楚邱戚先生主之先生名同文生唐天祐中
歷五代入本朝皆不仕以文學行義爲學者師士爭趨之
曹氏益復買田市書以待來者事聞京師有詔賜名應天
府書院先生沒私謚正素先生其子綸復以儒學顯歷事
太宗真宗兩朝官至樞密直學士 湘山野錄僞吳故國
五世同居者七家先主昇爲之旌門閭免征役尤著者江
州陳氏乃唐元和中給事陳京之後長幼七百口上下雍
睦食必羣坐廣器未成人者別一席犬百餘隻一巨船共

食一犬不至則羣犬不食別墅建家塾聚書延四方學者
伏臘皆資焉江南名士皆肄業於其家

殘字偶添令狐義真方遠寄密蒙花南冠非復熙豐日身到

東京見夢華

畢文簡士安 畢良史少董

宋史畢士安字仁安代州雲中人乾德四年舉進士邠帥
楊延璋辟幕府掌書奏眞宗登位拜工部侍郎樞密直學
士景德初拜平章事卒年六十八贈太傅中書令謚文簡士
安美風采善談吐年耆目眊讀書不輟手自讎校或親繕
寫又精意詞翰有集三十卷 小畜集禹偁謫官解梁收
得令狐補闕毛詩音義乃會昌三年所寫數行殘缺後人
添之其筆蹟乃工部畢侍郎所補也因作詩云偶收毛鄭

古詩義認得歐虞舊筆蹤 東觀餘論跋唐摹十七帖後
予嘗見畢文將叔云家有唐初人所摹此帖來禽等四物
外有密蒙華一種先丞相文簡荅王黃門寄密蒙華詩云
多病眼昏書懶讀煩君遠寄密蒙華愁無內史詞兼筆爲
寫真方到海涯蓋謂此也 三朝北盟會編畢良史字少
董以買賣書畫古器赴行在思陵方搜訪古玩得良史甚
悅月給俸二百千而食客滿堂時號貧孟嘗後權知東明
縣搜求書畫古器復載以達行在人又號畢骨董 春渚
紀聞畢少董文簡之孫妙於鼎篆而亦多見周秦以前盤
盂之銘 玉照新志紹興庚申金人以河南故地歸我詔
以孟富文廋爲東京留守富文辟畢少董良史以自隨未

幾金敗盟少董身陷僞地累年嘗於相國寺鬻故書處得
熙豐日殘歷數帙無復倫序

未見譜人投虎豺一官先謫到珠厓傭夫荷擔隨身後亦若
劉伶死便埋 姚鉉寶臣

郡齋讀書志文粹百卷姚鉉字寶臣編鉉廬州人太平興
國中進士文辭敏麗善書札藏書至多頗有異本累遷兩
浙漕司課吏寫書采唐世文章分門編類爲薛映掎其事
奪官斥連州卒 直齋書錄解題鉉爲兩浙轉運使在杭
州與知州薛映不協映摭其罪狀數條密以聞當奪一官
特除名貶廉州文學 塵史鉉謫居連州嘗寫所著文粹
一百卷好事者於縣建樓貯之官屬多遣吏寫錄吏以爲

苦以鹽水噴之冀其速壞後以火焚其樓 宋史鉉藏書
至多雖被竄斥猶備夫擔荷以自隨

不善刻書書一厄永興面目歎全非舊鈔莫怪如星鳳三館
已聞傳本希 趙文定安仁

宋史趙安仁字樂道河南洛陽人雍熙二年登進士第補
梓州權鹽院判官會國子監刻五經正義版本以安仁善
楷書遂奏畱書之直集賢院歷官御史中丞謚文定 又
安仁嗜讀書所得祿賜多以購書三館舊闕虞世南北堂
書鈔惟安仁家有本真宗命內侍取之喜其好古手詔褒
美 嚴可均書北堂書鈔原本後王伯厚云三館舊闕書
鈔惟趙安仁家有本是北宋已極罕觀明中葉常熟陳莊

靖瓚得胥鈔本其裔禹謨改補梓行明人習氣好作聰明
變亂舊章是謂刻書而書亡

膚如卵膜白如肪潢紙先求辟蠹方臘雪更調寒食麵不須
黃藥煮成漿 趙元考彥若

後山談叢澄心堂南唐烈祖節度金陵之燕居也趙內翰
彥若家有澄心堂書日才三千餘卷有建業文房印後有
主者皆牙校也 又云建業文房書目三千餘卷有金陵
圖書院印 又云余於丹徒高氏見楊行密節度淮南補
將校牒紙光潔如玉膚如卵膜今士大夫所有澄心堂紙
不逮也 又云趙元考用寒食麵臘月雪水爲糊則不蠹
南唐煮糊用黃丹王文獻公以皂莢末置書葉間然不如

也

熨斗親舒紙凸凹官文書可給傳鈔臨川世說畱佳本不似
王原叔本殺 晏元獻殊

避暑錄話晏元獻平居書簡及公家文牒未嘗棄一紙皆
積以傳書雖封皮亦十百為沓暇時手自持熨斗貯火於
旁炙香匙親熨之以鐵界尺鎮案上每讀得一故事則書
以一封皮後批門類蓋今類要也王莘樂道尙有數十紙
余及見之 文昌雜錄晏元獻家有相芻經占吉凶十可
八九 董棻世說新語跋世說三十六篇世所傳釐為十
卷或作四十五篇而末卷但重出前九卷中所載余家言
藏蓋得之王原叔家後得晏元獻公手自校本盡去重復

其注亦小加剪裁最為善本

海內傳書大有人蒲圻紙比洛陽新傳觀子弟皆常本第一
難求鎮庫珍 王洙原叔 子欽臣仲至

宋史新編王洙字原叔宋城人翰林學士兄子堯臣參知
政事改洙侍讀學士兼侍講學士前此未嘗有也洙汎覽
傳記至圖緯方技陰陽五行算數音律詁訓篆隸之學無
所不通著易傳十卷子欽臣字仲至清亮有志操歷集賢
殿修撰知和州徙饒州徽宗立復待制知成德軍卒年六
十七性嗜古藏書數萬卷手自讎正世稱善本 御埽編
予所見藏書之富莫如南都王仲至侍郎家其目至四萬
三千卷而類書之卷帙浩博如太平廣記之類皆不在其

聞聞之其子彥朝云先人每得一書必以廢紙草傳之又求別本參校至無差誤乃繕寫之必以鄂州蒲圻縣紙爲冊以其緊慢厚薄得中也每冊不過三四十葉恐其厚而易壞也此本傳以借人及子弟觀之又別寫一本尤精好以絹素背之號鎮庫書非已不得見也鎮庫書不能盡有纔五千餘卷蓋嘗與宋次道相約傳書互置目錄一本遇所闕則寫寄故能致多如此宣和中彥朝已卒其子問以鎮庫書獻詔特補承務郎然其副本具在建炎初問渡江書盡留睢陽第中存亡不可知可惜也老學庵筆記前輩傳書多用鄂州蒲圻縣紙云厚薄緊慢皆得中又性與麪黏相宜能久不脫

諸家無此校讎精一面埽塵一面生誰道長安居不易家家

宅子傍春明

宋宣獻綬子敏求次道

宋史新編宋綬字公垂趙州人幼聰警外祖楊徽之無子家藏書悉與綬遂通經史百家文章爲時所尙以兵部尙書參知政事卒年五十贈司徒兼侍中謚宣獻子敏求字次道龍圖閣直學士卒年六十一贈禮部侍郎敏求家藏書三萬卷皆略誦習熟於朝廷掌故士大夫疑議必就正焉孫公談圃宋宣獻家藏書過祕府章獻明肅太后稱制未有故實於其家討論盡得之葉氏過庭錄公卿名藏書家如宋宣獻李邯鄲四方士民如亳州祁氏饒州吳氏荊州田氏吾皆見其目多止四萬卷惟宣獻擇之甚精

止二萬卷而校讎精審勝諸家 郡齋讀書志序宋宣獻
得畢文簡楊文莊家書故所藏之富與祕閣等而常山公
以贍博聞於時 夢溪筆談宋宣獻常謂校書如掃塵一
面掃一面生故有一書每三四校猶脫繆 曲洧舊聞宋
次道藏書皆校三五遍世之蓄書以宋爲善本居春明坊
時士大夫喜讀書者多居其側以便於借置故也當時春
明宅子比他處儼值常高一倍陳叔易常爲子言此事歎
曰此風豈可復見邪 陸游跋京本家語本朝藏書之家
獨稱李邕鄆公宋常山公所蓄皆不減三萬卷而宋校讎
尤精不幸兩遭回祿之禍而方策掃地矣 魏了翁遂初
堂書目跋宋宣獻兼有畢文簡楊文莊二家之書不減中

祕而元符中蕩爲煙埃

古人得本皆親寫至與貧兒暴富同雕印流傳千百部置書

雖易馬牛風

周啟明照同

高順子奇

錢著明

宋史隱逸傳周啟明字昭同其先金陵人占籍處州仁宗
卽位除試助教遷祕書省校書郎改太常丞卒藏書數十
卷多手自傳寫而能口誦之 又文苑傳高順字子奇開
封雍邱人力學強記手寫書千餘卷 又錢著明好學喜
聚書書多親寫 紫桃軒雜綴東坡自抄兩漢書旣成誇
以爲貧兒暴富唯手寫校勘經幾番注意自然融貫記憶
無鹵莽之失今人買印成書連屋充棟多亦不讀讀亦不
精書日多而學問日虛疏子弟日愚可歎也

空聞羔雁聘黃晞著論歛歛述瑣微不惜黃金擲虛牝買書歸去肝無衣

黃晞景微

宋史隱逸傳黃晞字景微建安人少通經聚書數千卷自號聳隅子著歛歛瑣微論十卷以爲聳隅者卉物之名歛歛者歎聲瑣微述辭也 涑水紀聞黃晞好讀書客游京師數十年不歸家貧謁索以爲生衣不蔽體得錢輒買書所費殆數百緡自號聳隅子石守道爲直講聞其名使諸生如古禮執羔雁束帛就里中聘之以補學職晞固辭不就故歐陽永叔哭徂徠先生詩云羔羊聘黃晞晞驚走鄰家是也著書甚多至和中卒一子甚愚魯所聚及自著書皆散無存

昨夜驚聞瓠子開鬻書時有市人來簡韋殘醫因公重韓范同時論將才

富文忠公

東觀餘論元和姓纂富鄭公家書甲子歲洛陽大水公第書無慮萬卷率漂沒放失市人得而鬻之鎮海節度印章猶存是書尙軼數卷以鄭公物藏之 又云卷首有鎮海軍節度使印富韓公家舊本也

圖書充牣邯鄲志猶向恆河算聚沙惟有宛陵真本子相傳不異碧雲駮

李淑獻臣

宋史李若谷字子淵徐州豐人子淑字獻臣以龍圖閣學士出知河中府卒贈尙書右丞 郡齋讀書志邯鄲圖書志十卷李淑獻臣撰淑若谷之子也載其家所藏圖書五

十七類經史子集通計一千八百三十六部二萬三千一百八十六卷其外又有藝術志道書志書畫志通爲八目直齋書錄解題邯鄲書目十卷學士河南李淑撰號圖書十志皇祐己丑自作序以示子孫曰朋圭芻者其子壽朋復圭德芻也遂初堂書目目錄類有李邯鄲書目邯鄲圖書志邵氏聞見後錄李邯鄲孫亨仲言吾家有梅聖俞詩善本世所傳多爲歐陽公去其尤者忌能名之壓已也予謂歐陽公在諫路頗詆邯鄲亨仲之言恐不實陸游跋京本家語李邯鄲所蓄三萬卷靖康之變金人犯闕散亡皆盡揮塵後錄李邯鄲命諸子名世人難曉後見孫長文云邯鄲之長子壽朋取三壽作朋之義次子復

圭本三復白圭幼子德芻以三德苾芻其指如此宜乎人所不解也

亳州祁氏饒吳氏著錄並爲天下稱此外荆南三萬卷西齋聊可比吳兢田偉子篇亳州祁氏饒州吳氏

葉氏過庭錄公卿名藏書家如宋宣獻李邯鄲四方士民如亳州祁氏饒州吳氏荆州田氏等吾皆見其目多止四萬許卷其間頗有不必觀者郡齋讀書志田氏書目六卷皇朝田鎬撰田偉居荆南家藏書幾三萬卷鎬偉之子也因成此目元祐中袁默爲之序又坤鑿度二卷隋唐志及崇文總目皆無之至元祐田氏書目始載焉又韓李論語筆解十卷唐韓愈李翱撰四庫邯鄲書目皆無之

獨田氏書目有韓愈論語十卷筆解兩卷亦不同 又周易口訣義七卷唐史證撰田氏以爲魏鄭公誤也 紫桃軒雜綴荊州府志載宋田偉燕人爲江陵尉因家焉作博古堂藏書五萬七千卷

獨樂藏書訓再三後來青更出於藍重陽上伏晴明日羣奉公言爲指南 司馬文正光 信陽王氏 遺經堂主人

梁溪漫志溫公獨樂園之讀書堂文史萬餘卷而公晨夕所常閱者雖累數十年皆新若手未觸者嘗謂其子公休曰賈豎藏貨貝儒家惟此耳然當知寶惜吾每歲以上伏及重陽間視天氣晴明日卽設几案於當日所側羣書其上以暴其腦所以年月雖深終不損動至於啟卷必先視

几案潔淨藉以茵褥然後端坐看之或欲行看卽承以方版未嘗敢空手捧之非惟手汗漬及亦慮觸動其腦每至看竟一版卽側右手大指面襯其沿而覆以次指撚而挾過故得不至揉熟其紙每見汝輩多以指爪撮起甚非吾意今浮圖老氏猶知尊敬其書豈以吾儒反不如乎汝當志之昌熾案士禮居題跋記宋本新序信陽王氏藏者卽載此溫公語於卷端蓋亦留心嗜古者又東湖叢記有藏書一印云昔司馬溫公藏書甚富所讀之書終身如新今人讀書隨手拋置甚非古人遺意也夫佳書難得易失稍一殘缺修補無從每見一書或有損壞輒爲憤惋如對殘廢之人數年來蒐羅略備卷帙斬然所以遺吾子孫者至

厚也後人觀之宜加珍護卽借吾書者亦望諒愚意也遺
經堂主人記惜其名皆不傳埶識於此以俟方聞者攷焉
宋時諸州公使庫刻書常有羨餘縉家書自比官書善何不
精雕付手民 劉恕道原 子義仲壯輿

黃庭堅劉道原墓志銘道原高安劉氏諱恕博極羣書以
史學擅名一代年四十有七卒於元豐元年九月 又云
道原生三男義仲和叔稱和叔以文鳴而稱篤行不幸相
繼死 郡齋讀書志十國紀年四十二卷劉恕道原撰宋
次道知亳州家多書恕往借觀之目爲之啓昌熾案澹生
堂聚書訓劉道原就宋次道家觀書宋日具酒饌爲主人
禮道原不受閉閣抄書旬日而畢 邵埭編劉義仲字壯

輿道原之子也道原以史學自命義仲世其家學嘗摘歐
陽公五代史之誤爲糾繆 老學庵筆記劉道原壯輿再
世藏書甚富壯輿死無後書錄於南康軍官庫後數年胡
少汲過南康訪之已散落無餘矣 魏了翁眉山孫氏書
樓記劉壯輿家於廬山之陽所儲亦博今其子孫無聞焉
高似孫史略劉壯輿家廬山之陽自其祖疑之以來圖
書多有藏印今不存

祠祿新兼太一階玉堂仙吏度江淮石林何幸曾親炙卻未
渾儀叩歲差 蘇魏公頌

四庫提要新儀象法要三卷宋蘇頌撰頌字子容南安人
徙居丹徒慶厯二年進士官至右僕射兼中書門下侍郎

海書一
累爵趙郡公是書爲重修渾儀而作南宋以後流傳甚稀
此本爲明錢曾所藏後有乾道壬辰九月九日吳興施元
之刻本於三衢坐嘯齋蓋從宋槧影摹云 嘉定鎮江志
蘇丞相頌家藏書萬卷祕閣所傳者居多頌自維揚拜中
太一宮使歸鄉里是時葉夢得爲丹徒尉頗許其假借傳
寫夢得每對士大夫言親炙之幸 呂祖謙入越記蘇仁
仲子容丞相孫出舊書數種管子後子容手書紙尾云惟
蘇氏世宦學以儒何以遺後其惟此書非學何立非書何
習終以不倦聖賢可及

退直鈔書貫俸錢先秦文字義雲篇西崑何似醫官本自古
中郎有仲宣 呂正愨大防 張玠

宋史呂大防字微仲 藍田人皇祐初擢進士第哲宗時拜
尙書右丞封汲郡公進尙書左僕射兼門下侍郎謚正愨
郡齋讀書志呂汲公文錄二十卷掇遺一卷大防紹聖
初責授舒州團練副使循州安置未踰嶺卒大防旣拜相
常分其俸之半以錄書故所藏甚富 又古文尙書孔安
國以隸古定自漢迄唐行於學官明皇改從今文由是古
文遂絕陸德明獨存其一二於釋文呂大防得本於宋次
道王仲至家觀其作字奇古非字書傳會穿鑿者所能到
學者考之可以知制字之本也 邵氏聞見後錄神宗欲
更修後漢書求東觀漢紀久之不得後高麗以其本付醫
官某來上神宗已厭代矣元祐中高麗使人言狀訪醫已

死於其家得之藏於中祕予嘗寫本於呂汲公家亦棄之
兵火中矣昌熾案今四庫本二十四卷輯自永樂大典
然則其書明初尙存不亡於南渡也 陸游西崑酬唱集
跋通直郎張玠河陽人呂汲公家外甥藏書甚富

神仙長揖出門去濡染榴皮壁上痕同是黃金等閒盡撒珠
簾下且留髡 沈思持正

王會回仙碑記熙甯元年八月十九日湖州歸安縣之東
林有隱君子沈思字持正隱於東林因以東老名焉能釀
十八仙白酒一日有客自稱回道人長揖東老願求一醉
因出與飲自日中至暮已飲數斗殊無酒色 避暑錄話
東林去吾山東南五十餘里沈氏世爲著姓元豐間有名

思者字東老家頗藏書喜賓客東林當錢塘往來之衝故
士大夫與游客勝士聞其好事必過之沈亦應接不倦嘗
有布裘青巾稱回山人風神超邁與之飲終日不醉薄暮
取食餘石榴皮書詩一絕壁間曰西鄰已富憂不足東老
雖貧樂有餘白酒釀來原好客黃金散盡爲收書卽長揖
出門越石橋而去追躡不見意其爲呂洞賓也 陳師道
次韻回山人贈沈東老二首一林領意不須沽六字持身
已有餘癡子未知天上樂先生今解世間書隨世功名非
所望稱家豐儉不求餘青衫出指論奇字白髮挑燈寫細
書 蘇東坡詩世俗何知窮是病神仙可學道之餘但知
白酒畱佳客不問黃公覓素書又云符離道士晨興際華

岳先生尸解餘忽見黃庭丹篆句猶傳青紙小朱書又云
淒涼雨露三年後彷彿塵埃數字餘至用榴皮綠底事中
書君豈不中書 齊東野語吳興東林沈偕君與卽東老
之子也少游京師好狎遊時蔡奴聲價甲於都下沈欲訪
之乃呼一賣珠人於其門首茶肆中議價再三不售撤其
珠於屋上賣珠者窘甚君與笑曰第隨我來依汝所索還
錢蔡於簾中窺見令取視之珠也大驚惟恐其不來後數
日乃詣之其家喜相報曰前日撤珠郎至矣旣而擢第盡
買國子監書以歸

五老峰前白石庵翼然

藏室建彭聃匡廬山色青如許誰叩

山房禮佛龕

李常公撰

彭惟孝孝求

海
三

